

Radunonza generala dils 03.10.2003

Hotel Posta Rueras

Presents: Suprastonza senza la revisura Bernadetta Cathomen
11 commembras e commembras

Tarctandas:

1. **Beinvegni:** Allas uras fixadas sa il president André Schmid arver la radunonza e far in beinvegni als 11 presents. Perstgias ha el retschert da Wendelin Hendry, Seppa Schmed e Bernadetta Cathomen.
2. **Eleczium dumbravuschs:** Cun tscharna unanima vegn Barla Monego elegida per quella sera.
3. **Prelecziun dil protocol dalla davosa radunonza generala:** Il protocol vegn presentaus ed approbaus dils presents senza neginas objecziuns.
4. **Rapport 2002/2003:** Il president dat in detagliau rapport sur dil curriu e passau duront igl onn vargau:
 - Ils 23.11 ein interessai vegni envidai a visitar il museum claustral a Mustér. Pader Vigeli Monn ha menau nus e dau interessants schatgs ord l' historia claustrala e menau cumpetentamein atras il museum.
 - 1.12 en colaboraziun cun la Pro Helvetia havein nus envidau tier ina prelecziun da historias ord il mund suteran. 4 persunas, ina dunna e treis umens han raquintau ord l'Africa dil sid, ord dal Peru, ord la Svizra franzosa ed ord la Svizra centrala dalla veta els munds suterans.
 - 18.12 havein nus organisau la presentaziun dil cudisch da Matias Deforin sur da "Tgamins e spazatgamins."
 - 12.04 medemamein organisau ina sera da dias cun treis persunas giuvnas che ein stadas sin viadi. Numnadamein Romeo Gamboni, Petra Berther e Robert Beer. Encunter 70 persunas han dau suatientscha agl invit.
 - Il zercladur viadi a Cuera e schau presentar Ivo Berther, che lavura sco historicher tier il cantun. La exposiziun "O Dieus pertgiri."
 - Il fenadur/uost ei sin iniziativa dil forum vegniu baghegiu giu e reconstruiu in faner vegl navenda la val Bugnei enasi sin la piazza da giugs giu Rueras. Quei cun agid dall'unien dils viandonts e consentiment dalla vischnaunca.
 - 07.08 ina biala sera da stad en colaboraziun cun la televisiun romontscha mussau divers films a Sedrun. Ca. 250 persunas han priu part.
 - Gronda lavur ha la ruina a Putnengia dau. L'emprema etappa ei sco finida. Ils mirs ein vegni conservai cun tutta bregia dalla firma Loretz. Igl atun havein nus giu envidau a Putnengia interessai tier ina uatga dallas entiras lavur. Quei di han ils responsabels e pertuccai dau sclariment da tut il succediu tochen cheu.
5. **Rendaquen:** Il cassier dat in clar sclariment dil quen. Entradas 13'953.15 encunter expensas 14'502.60. En cassa restan aunc 4'019.10. Las entradas seresultan entras la vendita dil calender, contribuziuns e dalla notg da films. Expensas: 5000 frans ein vegni mess sil conton per restauraziun Putnengia, lu per il calender, cuosts vid il faner ed ulteriurs pli pigns posts.
In secund quen ei quel dalla ruina Putnengia: Cheu ein 48'710.00 entradas visavi 36'543.15 expensas. Il conto cuntegn aunc 12'166.85 frs. Las intras ein dalla vischnaunca 40'000 francs, ord la broschura che nus havein giu termess la fin dalla stad ein 3710 francs vegni pagi en.
Il rapport dalla revisura Bernadetta Cathomen ei staus avon maun. Ella ha revidiu il quen e constatau neginas irregularitads. Ella propona dad acceptar il quen sco presentaus e dar scarica alla suprastonza. La radunonza presenta fa quei e la tractanda ei vegnida serada.
6. **Contribuziun:** La contribuziun annuala vegn laschada sco tochen da cheu sin 30 frs e per fautors duei quella esser libra.

7. Elecziuns: Il president André Schmid, actuar Bruno Berther e cassier Tarcisi Hendry vulan star vinavon per ina ulteriura perioda. La cassiera Bernadetta Cathomen ha abdicau e per ella stat Barla Monego a disposiziun.
8. Projects 2003/2004: La secunda etappa vid la sanaziun dalla tuor a Putnengia. Quei ein cavar giu il contuorn sco era igl intern dalla tuor. Lu far plaz agl uffeci archeologig per intercurir schebein ei ha caussas da valetta hitsorica. Silsunter schubergiar e conservar ils mirs.
 - Ulteriura lavur ei dar ora puspei in calender per igl onn vegnent.
 - Organisar in viadi sil plazal a Bodio, ev. en colaboraziun cun ina ulteriura uniun dalla val.
 - En colaboraziun cun las scolas edir ina carta culturala.
 - Persequitar vinavon il project per in archiv cultural.
 - Far ina exposiziunen colaboraziun cun il museum, culs portrets dil fotograf Brunner.
 - Per las finanzas organisar in lotto, edir in set da meisa.....

Tier la discussiun ch'ei suandada ei vegniu detg da forsa schar star da far excursiuns. Ei vegni organisau ton bia oz ch'ei segi grev da motivar la gliud da prender part. Era duei il forum seconcentrar da rimnar da quella rauba che buca gia il museum hagi gia rimnau. – In auter manegia ch'il rapport duei tuttina vegnir publicaus avon la radunonza. Aschia segi ei pusseivel da sepreparar per la radunonza. – La colaboraziun cun la Pro Helvetia duei il Forum tener bein en egl ei segi ina unica pussievladad da seservar per novas ideas.

Sunter la radunonza havein nus aunc contemplau empau maletgs pli vegls che nies archivar Tarcisi Hendry e vid mesa notg ei la radunonza vegnida serada.

Rueras october 32003

Igl actuar Berther Bruno, Rueras